



BARAZA LA WAWAKILISHI – ZANZIBAR

ORODHA WA SHUGHULI ZA LEO

BARAZA LA KUMI LA WAWAKILISHI

MKUTANO WA PILI

Kikao cha Kumi – Tarehe 25 Februari, 2021.

Kikao Kitaanza Saa 3.00 (Tatu) Asubuhi
na Dua zitasomwa.

I. TAARIFA YA SPIKA:

II. HATI ZA KUWASILISHA MEZANI:

Waziri wa Nchi, Afisi ya Rais, Fedha na Uchumi:

Hotuba ya Uwasilishaji wa Mgawanyo wa Rasilimali Fedha kwa kipindi cha Januari – Juni katika mwaka wa Fedha 2020/2021 kufuatia mabadiliko ya Muundo wa Serikali.

Mwenyekiti wa Kamati ya Bajeti:

Hotuba ya maoni ya Kamati ya Bajeti kuhusu Uwasilishaji wa Mgawanyo wa Rasilimali Fedha kwa kipindi cha Januari – Juni katika mwaka wa Fedha 2020/2021 kufuatia mabadiliko ya Muundo wa Serikali.

III. **MASWALI:**

Afisi ya Rais, Katiba, Sheria, Utumishi na Utawala Bora:

59. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Nchi, Afisi ya Rais, Katiba, Sheria, Utumishi na Utawala Bora:

Ajira ni haki ya kila mtu mwenye sifa kulingana na nafasi husika lakini imeonekana kwamba utekelezaji wa dhana hiyo uko tofauti.

Je, Serikali ina mpango gani wa kuajiri vijana wenye sifa ambao wamemaliza masomo yao.

Afisi ya Rais, Tawala za Mikoa, Serikali za Mitaa na Idara Maalum za SMZ:

61. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Nchi, Afisi ya Rais, Tawala za Mikoa, Serikali za Mitaa na Idara Maalum za SMZ:

Wafanyakazi ambao wanasafisha barabara wengi wao ni wanawake na wanaonekana wakifanya kazi ngumu lakini wanapata maslahi madogo.

Je, Serikali imejipangaje katika kuboresha maslahi ya wafagiaji wa barabarani.

75. MHESHIMIWA BAKARI HAMAD BAKARI (Jimbo la Wawi) - Atamuuliza Mheshimiwa Waziri wa Nchi, Afisi ya Rais, Tawala za Mikoa, Serikali za Mitaa na Idara Maalum za SMZ:

Lengo kubwa la uwekwaji wa taa za kuongozea gari barabarani (traffic light) ni kupunguza uwezekano wa kutokea kwa ajali. Kwa kuwa baadhi ya maeneo kama vile Machomanne - Pemba yanahitaji kuwekwa taa hizo.

(a) Je, ni vigezo gani vinavyotumika katika kuweka taa za kuongozea gari barabarani.

(b) Je, Serikali inachukua hatua gani za dharura ili kuepusha ajali za mara kwa mara katika eneo la Machomanne.

- (c) Je, ni lini wananchi wa Machomanne watarajie kuona uwekwaji wa taa hizo.

Wizara ya Uchumi wa Buluu na Uvuvi:

31. MHESHIMIWA HASSAN HAMAD OMAR (Jimbo la Kojani) - Atamuuliza Mheshimiwa Waziri wa Uchumi wa Buluu na Uvuvi:

Kwa kuwa nchi yetu ni ya visiwa na kwa kiasi kikubwa wananchi wake wanategemea shughuli za baharini kuendesha maisha yao kupitia uchumi wa buluu.

- (a) Je, ni lini Serikali itawasaidia wananchi kupata meli za uvuvi.
- (b) Je, kwa nini Serikali isielekeze nguvu zake katika kuboresha vyombo vya wavuvi wadogo wadogo ambao kimsingi ndio wanaosaidia kupatikana kwa ajira.

Wizara ya Elimu na Mafunzo ya Amali:

29. MHESHIMIWA SALMA MUSSA BILAL (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Kwa dhati kabisa naomba niipongeze Serikali ya Mapinduzi ya Zanzibar kwa kujenga majengo ya vyuo vya Amali katika maeneo mbali mbali.

- (a) Je, Serikali imejipanga vipi kuhakikisha lengo la kujenga vyuo hivyo linafikiwa na kuleta tija kwa vijana wetu.
- (b) Kwa kuwa kuna vijana wetu wengi ambao wanafeli na kuzurura mitaani bila kazi, Je, Serikali ina mikakati gani ya kuwapeleka vijana hao vyuoni huko ili kuwasaidia kupata elimu hiyo na kuweza kujiajiri badala ya kusubiri kupata ajira Serikalini.

41. MHESHIMIWA HASSAN HAMAD OMAR (Jimbo la Kojani) - Atamuuliza Mheshimiwa Waziri wa Elimu na Mafunzo ya Amali:

Ilielezwa kuwa ni wajibu wa mzazi kumpeleka mtoto skuli kupata haki ya elimu kwani mtoto ndiye kiongozi wa taifa la kesho.

- (a) Kwa nini mtoto anapewa vikwazo kuandikishwa skuli, kufanya mitihani kwa kukosa cheti cha kuzaliwa wakati vyeti vina usumbufu kupatikana na ni jukumu la mzazi kuleta cheti na sio mtoto.
- (b) Je, kwanini mtoto anaekaa karibu na skuli anaweza kukosa nafasi ya kusoma lakini akapokelewa mtoto wa mbali
- (c) Je, hatua gani zitachukuliwa kurekebisha hatua hiyo.

Wizara ya Maji, Nishati na Madini:

55. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Maji, Nishati na Madini:

Katika siku za hivi karibuni, Serikali ya Mapinduzi ya Zanzibar ilipata msaada wa kuchimbiwa visima vya maji 150 kutoka Utawala wa Ras – Al-kheimah. Hata hivyo, kwa masikitiko makubwa mradi huo wa uchimbaji wa visima haukufikia malengo hali iliyosababisha wananchi wengi kuendelea kukabiliwa na shida ya maji katia maeneo mbali mbali.

- (a) Ni sababu zipi zilizopelekea mradi huo kukwama.
- (b) Ni visima vingapi vimechimbwa na kuanza kutumika kwa Unguja na vingapi kwa Pemba.
- (c) Ni kiasi gani cha fedha kilitumika kwa mradi huu.

85. MHESHIMIWA SHAMATA SHAAME KHAMIS (Jimbo la Micheweni) - Atamuuliza Mheshimiwa Waziri wa Maji, Nishati na Madini:

Wananchi wa Shumba Mjini wanakabiliwa na changamoto ya kukosa huduma ya maji mara kwa mara. Hii inatokana na bomba la maji lililokatisha chini ya bahari kuwa na viungo chini ya maji na kutokana na mkondo wa maji kusukuma na hatimae kukatika viungo hivyo.

- (a) Je, ni lini hatua zitachukuliwa kuondosha kadhia hiyo.
- (b) Je, ni kiasi gani cha fedha zinazohitajika kwa kazi ya kuondosha tatizo hilo.

Wizara ya Ujenzi, Mawasiliano na Uchukuzi:

90. MHESHIMIWA SULEIMAN HAROUB SULEIMAN (Jimbo la Kiembesamaki) - Atamuuliza Mheshimiwa Waziri wa Ujenzi, Mawasiliano na Uchukuzi.

Katika kipindi cha awamu ya sita ya uongozi wa Mheshimiwa Dkt. Amani Abeid Karume imetolewa ahadi ya ujenzi wa barabara ya Chukwani – Buyu kwa kiwango cha lami. Ahadi hiyo imetolewa na Rais msataafu huyo wakati akifungua Tawi la CCM Buyu mwaka 2010.

Je, Serikali imefikia hatua gani katika utekelezaji wa ahadi hiyo.

Wizara ya Afya, Ustawi wa Jamii, Wazee, Jinsia na Watoto:

30. MHESHIMIWA SALMA MUSSA BILAL (Nafasi za Wanawake)- Atamuuliza Mheshimiwa Waziri wa Afya, Ustawi wa Jamii, Wazee, Jinsia na Watoto:

Pamoja na Serikali kustahiki pongezi kwa kuzipandisha daraja Hospitali za Kivunge na Makunduchi kuwa Hospitali za Wilaya, bado kuna changamoto katika hospitali hizo.

- (a) Ni lini Hospitali ya Makunduchi itafanyiwa matengenezo ili iweze kuendana na hadhi yake ya kuwa Hospitali ya Wilaya.

- (b) Je, ni lini Hospitali ya Makunduchi na Kivunge zitajengewa ukuta ili kuziweka katika mazingira mazuri na kudhibiti uharibifu.

58. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Afya, Ustawi wa Jamii, Wazee, Jinsia na Watoto:

Tafsiri na uzito juu ya suala la udhalilishaji limekuwa tatizo kubwa kwa jamii hivi sasa.

- (a) Je, Serikali ina mpango wa kuleta mswada wa marekebisho ya sheria zote za udhalilishaji ambazo zina upungufu wa utekelezaji wa kisheria.
- (b) Je, Serikali imejipanga vipi katika kuhakikisha uchunguzi wa makosa ya udhalilishaji unafikiwa katika kiwango kilicho bora.
- (c) Je, Serikali ina mpango gani wa kuhakikisha kituo cha huduma za sheria cha Chake Chake kinaendelea kutoa huduma kwa jamii.

70. MHESHIMIWA DKT. SAADA MKUYA SALUM (Uteuzi wa Rais) - Atamuuliza Mheshimiwa Waziri wa Afya, Ustawi wa Jamii, Wazee, Jinsia na Watoto:

Mradi wa E-Government pamoja na malengo mengine, ulikusudia kuhakikisha matumizi ya njia za Kielekroniki katika sekta ya Afya.

Je, ni maeneo gani mpaka sasa yamefanikiwa katika mradi huo kupitia sekta ya Afya

IV. TAARIFA YA SERIKALI:

Waziri wa Nchi, Ofisi ya Rais, Fedha na Uchumi:

Hotuba ya Uwasilishaji wa Mgawanyo wa Rasilimali Fedha kwa kipindi cha Januari – Juni katika mwaka wa Fedha 2020/2021 kufuatia mabadiliko ya Muundo wa Serikali.

- V. UCHAGUZI WA VIONGOZI WA CHAMA CHA WABUNGE WA NCHI ZA JUMUIYA YA MADOLA KANDA YA ZANZIBAR (CPA).
- VI. UCHAGUZI WA CHAMA CHA WABUNGE WANAWAKE WA NCHI ZA JUMUIYA YA MADOLA KANDA YA ZANZIBAR (CWP).
- VII. UCHAGUZI WA VIONGOZI WA UMOJA WA WAWAKILISHI WA KUPAMBANA NA UKIMWI ZANZIBAR (UWAKUZA).

Zanzibar,
25 Februari, 2021.

(Raya Issa Msellem)
KATIBU WA BARAZA.